

嘉靖蕪州志

地 269.99
1275
部三:123



登录号 218089

函 3 册

天一閣藏明代方志選刊

蕪州志

一九六二年六月上海古籍

書店據寧波天一閣藏明嘉

靖刻本景印原書版框高二

〇·八公分寬一五·〇公分

蘄州誌序

蘄爲楚名州舊矣入

國朝建

荆藩於茲疆土尤增重焉

今天子聖學緝熙作極敦化親睦是宗
宸翰奎章每自

天而降輝映江山邦人從耳觀吾

蘄州誌

序

一

王式克欽承率典樂善雅尚經籍州
邑用協文風日益以隆於是迺有
鄉賢士夫真庵甘公澤纂輯州誌
俾一方之文獻足徵焉誌成藩左
史稷從真庵讀之曰美哉誌乎其
迹核其體重其益宏可以爲誌矣
夫州之誌猶國之史也史不爲天



下萬世而已意之逞是之謂曲筆
誌不爲一鄉與後世而徒以文具
爲則將謂何是誌也吾見公而不
私也直而不阿也質而不誕以浮
也然則其迹不旣核矣乎昔儒有
云經以載道史以載事吾惑焉夫
道外無事事外無道是故其事得

則爲道其事失則爲非道道與事
匪有二焉耳矣今茲誌一州史也
所載自建置沿革以至詩文爲目
凡五十然而有三要焉在養民在
衛民在教民其本則得人而已物
產養濟之屬所以養民也軍衛城
池之屬所以衛民也學校科貢之

屬所以教民也官得人焉則行之者臧而道是用合官不得人焉則行之者匪臧而道是用離夫誌也可以觀道然則其體不旣重矣乎是誌旣爲完書歷漢唐以下迄于今千數百年之故具在也繼自今吏茲土者遠稽諸古曰某時某也

其所以養民衛民教民者有道也吾倣之是吾師也近考諸今日某時某也其所以養民衛民教民者有道也吾倣之是亦吾師也夫不同者時也無不同者道也隨時制宜同底於道以納斯民於阜成之域者存乎人也而於誌焉有賴然

則其益不既宏矣乎其迹核故可
信其體重故可觀其益宏故可傳
余故曰可以爲誌矣真庵默然良
久曰子之言然尋謁余請以斯言
序諸首簡余不能辭也乃悉次而
書之先是余同年太倉唐侍御信
伯按楚與真庵夙有師弟誼以其

誌屬學正王君舜卿輩校正編次
下有司錢梓迨東魯張公銜

上命繼至謂是有關於政教復督及之
然未有能應者會金陵周君南來
守蘄慨然以刻宿弊興善政爲務
問州之故爰覩此編曰是誠余益
矣是誠余益矣刻而傳之余責也

乃遂刻焉真庵蚤以碩學薦於鄉
歷官典教邑令皆茂著聲績晚就
懸車追念厥考福寧守玉窻先生
嘗畱心誌事未就因用遺稿殫力
脩纂竟成其先志云

嘉靖八年己丑冬十一月吉

賜進士奉議大夫

人 新州志 序 五

荆府左長史華亭吳稷序



蘄州誌凡例

一纂編事蹟貴各從其類如有土者皆山類
有水者皆川類名宦卽歷官之優人物卽
科貢之最隱逸者卽人物之藏脩恩封者
卽人物所自出武勳節孝亦人物所崇重
悉各以類而載之無以僊釋流寓之在蘄
者附焉

一事貴實錄舊誌所載如王彥明本東晉恭
皇帝忠節之臣而以爲宋末元兵壓境忠
節知州竟不察元兵壓境時止是知州管

人 蘄州誌

凡例

一

景模聽信黃州知州陳奔之徇徇行而以
城降之涵輝閣環翠亭本在舊治羅州子
城上而謂在今治子城竟不察今治之無
子城甚至山誤其所名寺誤其所始凡一
切錄之不實者今悉正之

一城池爲一郡之首彌坊鄉市鎮橋梁埧渡
之類其次也古蹟又爲郡城之勝悉以次
載之

一坊有鄉坊街坊牌坊之異舊誌混載無別
今析之所以重科第貴仕宦尊衙門也

一公署爲一郡大小衙門聽政棲息之所其倉場鋪舍皆在所屬故各以次載之然必首之以藩封尊

宗室也

一田賦之數始定於洪武二十四年永樂十年至景泰三年其數多於洪武天順六年至嘉靖元年其數多於永樂宣德正統景泰自洪武一定之後兩次加多姑依此錄之以候考其所由

一歷官詳於見任畧於已往蓋已往無考間有可考其所當志者彼此互失其傳故不得如見任之詳也

一人物必求諸仕宦諸公而得之蓋有體斯有用卽其用而無愧於名宦兼以老而晚節之益堅斯其所以爲人物也人物名宦豈有二道哉然其可錄人物必於沒世名宦必於去任

一詩文有關世教堪以垂範者錄之他如荒唐幻語文理謬戾者去之

蘄州誌凡例畢

蘄州誌目錄

卷之一

建置沿革

州名

分野

疆域

里至

形勝

風俗

山川

卷之二

戶口

貢賦

課程

土產

卷之三

城池

坊鄉

街坊

蘄州誌

目錄

坊牌

郭

市

鎮

橋梁

堤

渡

古蹟令附

卷之四

藩封

公署

倉場

舖舍

養濟院

卷之五

學校

軍衛

官制

卷之六

名宦

歷官

卷之七

人物

科貢

武勳

吏選

封贈

隱逸

孝子

列女

仙釋

流寓

卷之八

壇壝

祠廟

寺觀

陵墓

卷之九

御製

詩

文

入 蘄誌

畢

二

蘄州誌目錄畢